

Fråsegn frå Brukarutvalet for sjukeheimane til budsjettframlegg 2021

Brukarutvalet har i møte 9.12.20 drøfta framlegg til budsjett for Helse- og omsorg for 2021.

Pårøranderepresentantane og verneombod vil gi slik fråsegn:

1. Brukarutvalet har mellom anna som oppgåve å arbeide for å auke kvaliteten på tenestene i sjukeheimane i kommunen. På eit vis er utvalet brukarane sitt «tilsynsorgan» for desse institusjonane.
2. Dei siste åra har budsjetttrammene for Helse og omsorg stadig blitt reduserte, trass i at tal eldre har auka. Brukarutvalet er svært uroa over denne utviklinga, og fryktar at det blir stadig vanskelegare å sikre god omsorg til pasientane og god og trygg kvalitet på tenestene.
3. Samla økonomisk ramme for Helse og omsorg i 2021 er redusert med 799.000 kr. I høve til ramma for 2020. Det kan virke udramatisk. Men om ein korrigerer for pårekna løns- og kostnadsvekst (1,6%), er det eit reellt kutt på 2.735.000 kr., dvs. - 2,3%.
4. Rekneskapen for 2019 viser eit samla forbruk for Helse og omsorg på 128.566.000 kr. Altså 8,36 millionar kroner meir enn budsjettframlegget for 2021. Det betyr at ramma for 2021 er 6,5% lavare enn forbruket i 2019.
5. Dette må føre til at det ikkje blir muleg å oppretthalde tilsvarende tenester i 2021 som i 2020. Vi er svært urolege for kva konsekvensar dette vil få for sjukeheimane, både med omsyn til omsorgsnivå og kvalitet på tenestene. Vi forventar at kommunestyret drøftar dette, og ber om at budsjetttramma blir styrka slik at den minst blir på nivå med ramma for 2020.
6. Kommunestyret har tidlegare sett av midlar til solskjerming på Vaksdal sjukeheim. Dette bør også skje for sjukeheimen Daletunet. Vi ber om at dette blir tatt med i budsjettvedtaket.